


毘婆沙論

古籍

第五十七

三百六十九
仁七

50417



元祐九年丙子二月日重修

皇圖聖圖 帝潛銀昌

佛日增輝 懋合輪常轉

山城州天安寺法金剛院置



阿毗曇毗婆沙論卷第五十七

仁

迦旃延子造 五百羅漢釋

北涼沙門浮陀跋摩共道泰譯

使捷度十門品之四



十二入眼入乃至法入問曰何故作此論答
曰此是佛經佛經說生聞婆羅門往詣佛所
到已而共世尊種種語論問訊已在
一面坐今時生聞婆羅門白佛言世尊說一
一切者多一切有幾種沙門瞿曇為施設何一
一切取佛告婆羅門我施設一切者謂眼入乃至法入
是名一切如來說如是法名一切婆羅門若
有作是說我能遮止沙門瞿曇所說一切更

說餘一切者但有是語而無有實若還問者
反生疑惑所以者何非境界故佛經雖作是
說而不廣分別佛經是此論所為根本彼中
諸不說者今欲廣說故而作此論問曰若作
是說有說一切者謂十八界有說一切者謂
五陰及無為法有說一切者謂四諦及虛空
仁阿毘曇毗婆沙論五十七
非數滅有說一切者謂名色如是等所說皆
但有是語而無有實若還問者反生愚惑非
其境界耶答曰此中遮義不遮於文若作是
說一切法性十二入攝若更有說餘法非十
二入攝者如是說者但有是語空無有實乃
至廣說說十二入是勝說妙說最上說問曰

說十二入何故名勝說妙說最上說耶答曰
說入是中說能攝一切法說界雖能攝一切
法而是廣說說陰不攝一切法唯攝有為法
不攝無為法而是略說說入是中說亦攝一
切法若欲觀一切法者當以入門若以入門
觀者便生十二智光現十二義像如人瑩磨
十二明鏡在其中立有十二像現彼亦如是
一身有十二入可得問曰若一身有十二入
可得者云何說有十二入耶答曰以所作異
故雖一身中十二入可得然十二入所作各
異譬如一屋有十二工巧人居雖同居一屋
而所作有十二種彼亦如是復次以二事故

立十二入一以所依二以所緣復次以三事
故立十二入一以自體二以所依三以所緣
自體者謂眼入乃至法入所依者六所依謂
眼乃至意所緣者六所緣色乃至法此是入
體性乃至廣說已說體性所以今當說何故
名入入是何義答曰輸門義是入義輸道義
仁是入義藏義是入義倉義是入義經義是入
阿毗曇毗婆沙論五十七
義殺處義是入義田義是入義泉義是入義
流義是入義海義是入義白義是入義淨義
是入義輸門義是入義者猶如城中及與村
落所輸之物象生得已長養於身如是以所
依及所緣故令心長養輸道義亦如是藏義

是入義者猶如藏中有金等寶物可取如是
以所依及所緣故有心心數法等可取倉義
是入義者猶如倉中有麥等種種子實可取
如是以所依及所緣故有心心數法等可取
經義是入義者猶如織機經縷在於處處如
是以所依及所緣故心心數法在於處處殺
處義是入義者猶如殺處斷百千衆生頭在
地如是以所依及所緣故令心心數法為無
常滅所滅田義是入義者猶如田中有種種
苗稼可取如是以所依及所緣故有種種心
心數法可取泉義是入義者如偈說

佛處泉水生

何處道不通

世間諸苦樂

何處得滅盡

佛作是說

眼耳及與鼻

舌身及與意

此處盡名色

能令無有餘

是處能生泉水乃至廣說流義是入義者如

偈說

仁

阿毗曇毗婆沙論 五十七

一切皆流出

以何制此流

以何為流戒三

令流止不出

佛作是說

世間所有流

當以正念制

亦名為流戒

慧令流不出

海義是入義者如經說比丘當知眼是人海

色是濤波若忍受色濤波者是入能廣度眼
海得免迴復羅刹等難乃至意說亦如是白
義是入義者以淨故名白亦名為淨是故輸

門義是入義乃至廣說外道書說入名部那

天竺音部那名根亦
名為入亦名為作也如彼摩提提梵志作如

是說沙門瞿曇心無部那而不受我女已摠

說諸入所以今當一一別說其體云何眼入

答曰若眼已見色今見色當見色及餘彼分

眼入已見色是過去今見色是現在當見色

是未來及餘彼分眼入廣說如界處乃至意

入說亦如是云何色入答曰若色入已為眼

所見今為眼所見當為眼所見廣說如界處

問曰十色入皆體是色何故說一入名色不
說餘耶答曰以此一入是麤了了現見法復
次此入是二眼境界謂肉眼天眼復次此入
是三眼境界謂肉眼天眼慧眼復次此入是
二入境界為眼識所緣是故尊者瞿沙作如
是說二是二眼境界為眼識所緣是故此入名
仁為色入非餘復次此入施設有麤細長短在
阿毗曇毗婆沙論卷五十七
此在彼故復次此入是大障礙故復次此入
可種可生可長外物可種者是種子時可生
者是萌芽時可長者是莖葉華果時內物可
種者是迦羅羅時可生者是安浮陀時可長
者是卑尸伽那婆羅奢佉時復次方體是色

以色故施設諸方復次由旬體是色以色故
施設由旬復次此入能覆餘入猶如巾帽故
名色入復次若說二十種二十一種是名色
入餘色入不尔聲香味入廣說如界處問曰
觸入為可觸故是觸入為體是觸故是觸入
為觸所緣故是觸入耶若可觸是觸入者微
塵不能觸微塵若體是觸名觸入者體是四
大造色非是觸體若為觸所緣名觸入者亦
為餘數法所緣答曰應作是說可觸故名觸
入問曰若然者微塵不能觸微塵答曰此是
世俗言說世俗作如是說眼所更事名見耳
所更事名聞鼻所更事名嗅舌所更事名嘗

身所更事名觸復次以緣身緣觸故生身識
生彼能緣實義身識故名觸尊者佛陀提婆
說曰應言無觸所以者何合聚無間色觸時
假名為觸無實義觸復次能生餘入增長餘
入故名觸入云何法入若法已為意所知今
為意所知當為意所知廣說如東處問曰十
仁二入體性是法何故說一入名法非餘入耶
阿毘曇毗婆沙論 卷第七
答曰雖十二入體性是法然法入應名為法
所以者何如十八界雖體性是法獨法界名
法如十智雖體性是法獨法智名法七覺枝
雖體性是法擇法覺枝名法六念念法名法
四念處法念處名法四不壞淨於法不壞名

法四無礙法無礙名法三歸三寶法歸法寶
名法復次餘入有二名此唯有一名復次餘
入是不共名此入是共名以共為名復次能
生一切諸法生在彼中故名法入復次一切
諸法印封相生老無常在彼中故名法入復
次以名顯明諸法名在彼中故名法入復次
諸法來處說名法入如風來處名為風孔彼
亦如是復次能解空法在彼中故名法入問
曰若然者能計我法亦在彼中可言我入耶
答曰計我非實解空是實復次第一實法謂
常住不變不為生老死所壞滅盡涅槃在彼
中故名法入復次能分別摠相別相除物體

愚及除緣中愚不取虛相慧在彼中故名法
入復次彼中有多法故名法入多法者謂色
無色法相應不相應法有依無依法有行無
行法有緣無緣法有勢用法無勢用法已別
說諸入一一體今當求其次第何故世尊於
內入中先說眼入乃至意入外入中先說色
入乃至法入仁阿毘曇毗婆沙論五十七答曰欲令文義隨順故復次欲
令說者隨順受持者亦隨順故復次以有麁
細故內六入中眼入麁故先說意入細故後
說外六入中色入麁故先說法入細故後說
問曰云何立內六入外六入為以入故為以
法故若以法者一切諸法無有欲心云何立

內外若以人者如實義中畢竟無人若無人者云何有內外答曰應作是說以識法故立內外入非一切法若法能與六識作所依是內入作所緣是外入復次根者是內入根義是外入所境界境亦亦然此內外法不定若我內入是他外入若他內入是我外入佛經說此六入當知是內法問曰如一切法當知皆是內法何故獨說六入是內法耶答曰世尊欲教諸弟子於內法行禪故如說觀察內根心不外緣復次欲教諸弟子不行虛妄禪故如說汝等不應行虛妄禪計常樂我淨應行不虛妄禪計無常無我無樂無諍計因

集有緣當以是八聖行觀察於有復次欲教
諸弟子行不共禪故如說汝等不應行共禪
法觀屍觀苦觀屍壞觀止妙離應行不共禪
法應觀如病如癰如箭入身常是過患無常
苦空無我常以此八法觀察於有復次此經
說觀察內法若於內法計有我便計我所計
仁已便計已所於我有愛於我所亦有愛若見
阿毗曇毗婆沙論 五十七
有我亦見我所為長養內我故求外所須物
佛經說六觸入當知是內法問曰六入六觸
入有何差別答曰或有說者無有差別若說
六觸入若說六入名雖有異無差別義復有
說者名即差別是名觸入是名六入復次若

有所作是名觸入若無所作是名六入若作是說現在者是觸入過去未來者是六入復次若已生六入是觸入若未生六入是六入若作是說過去現在是觸入未來是六入復次若為觸作依是名觸入若為數法作依名六入復次若為心心數法作依是名觸入若為心心數法作依是名六入尊者波奢說曰體是六入若為觸作依名六觸入如鉢體性是鉢比丘用故名比丘鉢彼亦如是尊者富那奢說曰體性入是六入所作入是六觸入猶如鐵鉢體性是鐵以盛蘇故名盛蘇鐵鉢問曰此亦是六受入六想六思等入何

故獨說六觸入耶答曰應說六受入乃至六
思等入而不說者當知此說有餘復次以觸
名義勝故若說六觸入當知亦說六受入乃
至六思等入復次觸是心心數法令心心數
法皆從觸生以觸生以觸力故而現在前是
故說名觸入佛經說內六入是此岸外六入
仁 阿毗曇毗婆沙論 五七
是彼岸問曰佛說此岸彼岸為以何法答曰
以近遠法故如河於人近者是此岸遠者是
彼岸如是心心數法近者是所依遠者是所
緣復次如初入已度法故如人初入河處是
此岸已度處是彼岸如是心心數法初入如
所依已度如所緣復次滅盡涅槃是彼岸彼

法外入所攝以攝彼法故外入名彼岸佛經
說身見是此岸身見滅是彼岸問曰此中何
者是河答曰心心數法是如河所攝衆生數
非衆生數漂入大海如是所依所緣所攝衆
生心心數法皆漂入生死大海佛經說有八
勝處十一切處問曰此亦是入何故但說十
二入耶答曰彼亦在此十二入中彼相應共
有法當知皆是意入法入佛經說四無色定
是處如空處乃至非想非非想處問曰何故
世尊說四無色定是處耶答曰欲異外道故
外道計彼是四種解脫一無身二無邊意三
淨聚四世塔無身者是空處無邊意者是識

處淨聚者是無所有處世塔者是非想非非
想處為異外道故作如是說此是生處非是
解脫佛經說二處一無想衆生處二非想非
非想衆生處問曰何故佛經說此二處名處
答曰佛欲異外道故外道計此二處是解脫
佛說此是生處非解脫復次此處是退還法
仁 阿毗曇毗婆沙論 五七七
而外道計是解脫佛說此處是衆生退還處
還生諸界諸生諸趣中故復次此是散法而
外道計是解脫佛說此二處是散法衆生於
此處散在諸界者生諸趣中無想衆生散在
欲界非想非非想處衆生散在下地復次壽
命長遠故外道計是解脫一切凡夫受身處

壽命長遠莫若無想處壽五百大劫一切生
處壽命長遠莫若非想非非想處壽八萬大
劫佛作是說此是受生處非是解脫後次佛
說餘處有二名一是衆生居二是識住亦以
二種名說此二處一名衆生居二名處後次
衆生居佛說是識住若是衆生居非識住佛
說是處如經說尊者舍利弗往詣佛所作如
是說世尊說入為無有上所言一切謂十二
入世尊知此法更無有餘世尊無餘之智更
無有上無有沙門婆羅門等覺所知過世尊
者問曰尊者舍利弗云何能知所言一切謂
十二入答曰從佛聞故能知是法佛經所言

一切謂十二入尊者舍利弗得不壞信於佛
所說生尊重信問曰尊者舍利弗從他聞故
能知是法非自現智耶答曰亦自有現智能
知所以者何尊者舍利弗於十二入亦能一
一知見問曰世尊於十二入一一知見尊者
舍利弗於十二入亦一一知見世尊尊者舍
利弗仁所知阿毗曇毗婆沙論 五十七有何差別答曰世尊一一知見十
二入亦以揔相亦以別相尊者舍利弗一一
知見十二入但以揔相不能別相所以者何
更有無量入義在十二入中尊者舍利弗須
他顯示然後乃知復次尊者舍利弗一一知
見十二入從他聞故知世尊所知獨覺無師

復次世尊有一切智一切種智尊者舍利弗
有一切智無一切種智復次尊者舍利弗以
識身故知尊者舍利弗作是念言一切者謂
六識所依及緣復次尊者舍利弗以所說無
餘故知佛說十二入眼入乃至意入最後說
法入尊者舍利弗作如是念諸法十一入中
所不稱說者應盡在法入中是故以所說無
餘故知五陰色陰乃至識陰問曰何故作此
論答曰此是佛經佛經說五陰乃至廣說佛
經雖說五陰而不廣分別佛經是此論所為
根本今欲廣分別故而作此論云何色陰佛
經說諸所有色盡是四大及四大造餘經復

說云何色陰諸所有色過云未來現在若內
若外若麤若細若惡若妙若遠若近如是等
摠名色陰乃至識說亦如是阿毗曇者作如
是說云何色陰謂十色入及法入中色是各
色陰此三說有何差別答曰各各皆止他義
問曰如經說諸所有色皆是四大及四大造
仁此中為止何等阿毗曇毗婆沙論 五十七他義答曰佛為未來世十一故作
是說佛知未來世中當有作是說者四大之
外更無造色如佛陀提婆等為止如是說者
意故經作是說諸所有色盡是四大及四大
造如說諸所有色過去未來現在若內若外
乃至廣說此中為止何等他義答曰時世有

梵志名穿羅尸佉不說有過去未來世尊為
止彼人意故作如是說諸所有色過去未來
現在若內若外乃至廣說如說云何色陰謂
十色入及法入中色此中為止何等他義答
曰為止譬喻者意故譬喻者不說法入有色
是故尊者達磨多羅作如是說諸所有色盡
五識所依五識所緣云何名為色非五識所
依五識所緣為止如是說者意故彼尊者造
阿毗曇論作如是說云何色陰謂十色入及
法入中色問曰若法入中色有實體相者尊
者達磨多羅所說云何通答曰可作是說諸
所有色盡五識所依六識所緣法入中色雖

不為五識所依。五識所緣而為意識所緣。復次法入中色。雖非五識所緣。彼所依是身識所緣。誰是彼所依。謂四大是。云何受陰。謂六受身。眼觸生受。耳鼻舌身意觸生受。如佛經說。阿毗曇說亦尔。云何想陰。謂六想身。眼觸生想。耳鼻舌身意觸生想。如佛經說。阿毗曇仁說亦尔。云何行陰。答曰。佛經說。謂六思身。眼觸生思。耳鼻舌身意觸生思。阿毗曇者。作如是說。行陰或相應。或不相應。乃至廣說。問曰。世尊。何故諸相應。不相應。行陰。但說思是行陰。非餘相應。不相應。法。耶。答曰。以思長養。行勝。是故世尊說。思是行。如愛長養於集勝。是

阿毗曇略論 五十七

十二

故世尊一切有漏中說愛是集彼亦如是復
次造作義是行義思體造作云何識陰謂六
識身眼識身乃至意識身如經所說阿毗曇
說亦尔此是陰體乃至廣說已說體相所以
今當說何故名陰陰是何義答曰聚義是陰
義略義是陰義積義是陰義摠義是陰義若
施設世即是施設陰若說多語陰是多語聚
義是陰義者諸所有色過去未來現在若內
若外乃至廣說盡聚為色陰乃至識陰亦尔
略義說亦如是積義是陰義者如種種雜物
合為一積如是種種諸色合為色陰乃至識
陰亦尔摠義是陰義者諸所有色過去未來

現在若內若外乃至廣說如是等色摠名色
陰乃至識陰亦尔。問曰：過去未來現在色可
合聚不？答曰：可能合聚，其名不合聚，其體乃
至識亦如是。施設世即是施設陰者，如色陰
施設有三世，乃至識陰亦尔。多語是陰語者，
如多財名財，陰多穀名穀，陰多軍名軍，陰如
仁 阿毗曇毗婆沙論五十七
是億萬那由他極遠多色，摠為色陰。十三乃至識
陰亦尔。問曰：一微塵可立色陰不？答曰：或
有說不可立，若欲立者，必須積聚，復有說者
可立，以相故立。若一微塵不名陰者，衆多合
聚亦不名陰。阿毗曇者作如是說：一微塵不
以陰故，是一界一入一陰所攝。若以陰者是

一界一入一陰少分如人於穀聚上取一粒
穀他人問言汝取何等彼人若不以穀聚者
言我取一粒穀若以穀聚者言我取聚穀一
粒穀已摠說陰所以今當求其次第世尊何
故先說色陰後說乃至識陰答曰欲令文義
隨順故復次欲令說者隨順受持者亦隨順
故復次以麤細故五陰中色陰麤故先說四
無色陰中受陰麤故次色陰說問曰如受非
色不住方所云何施設有麤細耶答曰以所
行故如世人言我手受苦樂頭足身諸分等
皆受苦樂如是等說色受亦尔想轉細於受
次受說想行轉細於想次想說行識最細在

後說問曰如五陰是作相作是行陰世尊何
故一陰說名行陰餘不說耶答曰雖五陰盡
是作相而行陰得名行如十八界雖體盡是
法而法界得名法乃至三寶三歸雖體是法
而法寶法歸得名為法如是五陰雖體是行
而行得名復次此陰有二名餘陰有二名復
仁次此陰是共名餘陰是共不共名十四以不共名
說復次以能生一切諸法生在彼中故名行
陰復次一切諸法印封相生老無常在彼中
故名行陰復次以名顯明諸法名在彼中故
名行陰復次能解空法在彼中故名行陰問
曰若然者能計我法亦在彼中可言我陰耶

答曰計我非實解空是實復次能分別摠相
別相除物體愚及緣中愚不取虛相慧在彼
中故名行陰復次彼中有多法故名行陰多
法者相應不相應法有依無依法有行無行
法有緣無緣法有勢用無勢用法問曰何故
諸心心數法中說想受獨立為陰餘心數法
立行陰尊者婆奢說曰世尊決定知法相亦
知勢用餘人不能知若法堪任獨立陰者便
立不堪任者合集乃立復次欲以種種說種
種文莊嚴於義若以種種說種種文莊嚴於
義義則易解復次欲現二門二略二入乃至
廣說復次此現門現略現始入所有心數法

若根性若非根性若說受當知已說根性若
說想當知已說非根性如根性非根性明非
明有威勢無威勢有力無力當知亦是復
次以此二法故色無色界有差別以受故說
色界差別以想故說無色界差別復次行者
以此二法故於二界中極生苦惱以受故於
仁 阿毗曇毗婆沙論 五十七
色界中極生苦惱以想故於無色界中極生
十五
苦惱復次以貪樂受深著顛倒想故衆生於
生死中受大苦惱復次以此二法是闢諍根
本受是愛闢諍根本想是見闢諍根本如二
闢諍根本二煩惱二邊二箭二戲論二見當
知亦如是復次以此二法獨受識住名餘數

法在行陰中受識住名復次行者憎惡此二
法故入滅盡定如施設經說以何方便得滅
盡定云何修方便得滅盡定答曰彼初行者
作如是念云何令我不思諸行令想受不生
生者便滅若想受不生者便滅是名滅定

阿毗曇毗婆沙論卷第五十七

仁 阿毗曇毗婆沙論 五十七

十六

仁

瑩磨上紆濤波上音孛羅上寒積子智反
定反挑上音上聲一音積

山城國綴喜郡薪村

靈瑞山酬恩菴沙門宗桂書寫之

